



Na osnovu člana 9 do 17 Pravilnika o radu JP Elektroprivrede BiH d.d.-Sarajevo, Odluka Generalnog direktora JP Elektroprivrede BiH d.d.-Sarajevo broj 01-02-33561/18 od 28.11.2018. godine, broj 01-02-33564/18 od 28.11.2018.godine, broj 01-02-33568/18 od 28.11.2018.godine o potrebi zapošljavanja novih radnika u Podružnici „Elektrodistribucija“ Bihać zbog neplaniranih okolnosti, direktor JP Elektroprivrede BiH d.d.-Sarajevo Podružnice „Elektrodistribucija“ Bihać, raspisuje:

OGLAS

za zapošljavanje novih radnika na neodređeno vrijeme uz probni rad od 6 mjeseci

Oglašava se potreba za prijem u radni odnos na neodređeno vrijeme uz probni rad u trajanju od 6 mjeseci na slijedeća radna mjesta:

1. Rukovodilac pogona proizvodnje električne energije iz HE, sa mjestom rada u Bihaću, 1 izvršilac,
2. Električar u HE „Una Kostela“, sa mjestom rada u Bihaću, rad u otežanim uslovima, 1 izvršilac,
3. Strojari u HE „Una Kostela“, sa mjestom rada u Bihaću, rad u otežanim uslovima, 1 izvršilac.

Pored općih uslova utvrđenih zakonom, kandidati treba da ispunjavaju i posebne uslove utvrđene sistematizacijom radnih mjesta i to:

Za radno mjesto pod rednim brojem 1.

- da posjeduju visoku stručnu spremu VSS-VII, elektrotehnika, energetika/mašinstvo, energetika (ako je diploma stečena po Okvirnom zakonu o visokom obrazovanju BiH mora biti od najmanje 300 ECTS),
- da imaju četiri (4) godine radnog iskustva u struci na istim ili sličnim poslovima nakon sticanja tražene stručne spreme,
- da poznaju rad na računaru.

Za radno mjesto pod rednim brojem 2.

- da posjeduju stručnu spremu KV-III, pogonski električar,
- da imaju šest (6) mjeseci radnog iskustva u struci na istim ili sličnim poslovima nakon sticanja tražene stručne spreme.

Za radno mjesto pod brojem 3.

- da posjeduju stručnu spremu KV-III, bravar,
- da imaju šest (6) mjeseci radnog iskustva u struci na istim ili sličnim poslovima nakon sticanja tražene stručne spreme.

Za radno mjesto pod brojem 1. kandidati su dužni da dostave slijedeće:

- pisanu prijavu na Oglas svojeručno potpisanu sa kratkom biografijom,
- diplomu o završenom fakultetu,
- Uvjerenje o radnom iskustvu u struci na istim ili sličnim poslovima nakon sticanja tražene stručne spreme (Uvjerenje mora da sadrži podatke na kojim poslovima je kandidat radio na osnovu kojih se može utvrditi da je kandidat radio na istim ili sličnim poslovima koji se traže Oglasom, i jasno naveden period radnog angažovanja na tim poslovima ili Uvjerenje nadležnog Zavoda za penzijsko invalidsko osiguranje ili Porezne uprave koje mora sadržavati šifru zanimanja i naziv radnog mjesta na osnovu kojih se može utvrditi da li je kandidat radio na poslovima za koje se traži radno iskustvo i u kojem periodu, -kopije Ugovora o radu neće se smatrati kao dokaz o radnom iskustvu),
- dokaz o poznavanju rada na računaru (kao dokaz može poslužiti svjedočanstvo iz srednje škole ili prijepis predmeta sa fakulteta iz kojeg se može utvrditi da je kandidat imao predmet informatike),
- Prijavu mjesta prebivališta-CIPS ne stariji od 6 mjeseci.

Za radno mjesto pod brojem 2. i 3. kandidati su dužni da dostave slijedeće:

- pisanu prijavu na Oglas svojeručno potpisanu sa kratkom biografijom,
- diplomu/svjedočanstvo o završenom obrazovanju i svjedočanstva od prvog do trećeg razreda,
- Uvjerenje o radnom iskustvu u struci na istim ili sličnim poslovima nakon sticanja tražene stručne spreme (Uvjerenje mora da sadrži podatke na kojim poslovima je kandidat radio na osnovu kojih se može utvrditi da je kandidat radio na istim ili sličnim poslovima koji se traže Oglasom, i jasno naveden period radnog angažovanja na tim poslovima ili Uvjerenje nadležnog Zavoda za penzijsko invalidsko osiguranje ili Porezne uprave koje mora sadržavati šifru zanimanja i naziv radnog mjesta na osnovu kojih se može utvrditi da li je kandidat radio na poslovima za koje se traži radno iskustvo i u kojem periodu, -kopije Ugovora o radu neće se smatrati kao dokaz o radnom iskustvu),

- Prijavu mjesta prebivališta-CIPS ne stariji od 6 mjeseci.

Dokumenti koje kandidati prilažu uz prijavu moraju biti originali ili kopije ovjerene od strane nadležnog organa. Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu. Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje. Sa kandidatima koji ispune uslove iz Oglasa obavit će se usmeni razgovor, nakon čega će se donijeti Odluka o izboru kandidata. Oglas ostaje otvoren 8 dana od dana objavljivanja. Prijavu na Oglas u zatvorenoj kovrti dostaviti putem pošte ili lično na adresu: JP

Elektroprivreda BiH d.d.-Sarajevo Podružnica „Elektrodistribucija“ Bihać, ulica Bosanska br.25. Bihać, sa naznakom „Prijava na Oglas“ (lično podnijete prijave na protokol se zaprimaju radnim danom ponedjeljak-petak u periodu od 07:30-14:00 sati).

Sa kandidatom koji bude izabran zaključit će se ugovor o radu nakon što dostave ljekarsko uvjerenje izdano od strane nadležne zdravstvene ustanove da su zdravstveno i radno sposobni za obavljanje poslova radnog mjesta na koje je izabran. Sa izabranim kandidatom ugovor o radu zaključit će se uz obavezan probni rad u trajanju od šest (6) mjeseci. Neblagovremene ili nepotpune prijave neće se uzimati u razmatranje, a kandidati će pismeno biti obaviješteni o ishodu Oglasa.